

皇朝實錄



冊六千

大清世祖體天隆運英睿欽文大德弘功至仁純孝
章皇帝寔錄卷之四十七

順治七年春正月乙卯朔免朝賀 順天府進春

庚申

喀爾喀部落碩雷汗等貢貂皮馬匹宴賚如例
山西巡撫祝世昌奏報章京穆成格等擒斬逆渠
翟懸刈定宇等復永寧州寧鄉縣二城報聞 織
造龍衣机上 有異光三日不止 欽天監占以為
皇上統一天下 政治文明之瑞云

壬戌

南贛巡撫劉武元奏報官兵恢復廣東南雄府章
下所司

甲子享

太廟遣固山額真譚泰行礼 祭太歲月將之神

順天府舉行鄉飲酒礼

乙丑

朝鮮國王李滉遣陪臣李士芳表賀冬至元旦

萬壽聖節並謝襲封附貢方物及歲貢宴賚如例

李滉奏言據議政府報云倭子情刑可畏去年秋
間鞭撻使臣出言不遜驛報倭使常以密書示通

事言詞甚謬我國每年所與糧米前皆運至屯中
今推積驛報似有所待又云伊國叛賊雜入漢商

船內出沒沿海地方遣使我國言洋船若漂至即
行執送今有漢人船漂至不送於咫尺倭驛直為
解送上國其蓄憾于我比前必甚前後事端已成
間隙綢繆之計不可不早等語臣竊念小邦自壬
丁年之變各處城郭皆坏兵器不整者蓋十有餘
年今覩狡倭情形萬分可慮倘遇警急無計奈何
惟恃大國援兵念東萊府距王京無十里之程王
京距

帝都甚遠當小邦奏請大國發兵之時有何城郭器械可恃以待援兵今欲修築訓練以為守禦之備目前自有旨禁止不敢專擅伏祈

皇上體

先皇帝存亡繼絕之仁法古聖人先事預防之計鑒察本內事情指示勝筭使小邦得免殘破之患幸甚

丁卯

揖政王以玉冊玉宝追封其妃博爾濟錦氏為敬孝忠恭正官元妃

庚午

直隸巡撫蘓京疏奉孝子南樂縣民馬登龍父病籲天祈壽不解衣者三月繼母有殘疾父欲逐之登龍跪啣炭後遇馭負母而逃卒免于難父死泣血三年嚼戒粥食形容枯槁雖貧葬必以礼節婦平鄉縣民王金用妻岳氏年二十四夫亡矢志靡他奉姑至老始終不懈守節四十八年開州民王享妻劉氏年二十一夫亡事姑撫幼守節五十三年晉州民張著銘妻劉氏年二十三夫亡茹荼撫孤守節五十一年平鄉縣民李若杜妻王氏年二十

四夫凶矢志不貳課子成名守節四十六年請照
例旌表章下所司 湖廣四川總督羅繡錦疏報
阿思哈：番董英等剽平燕子窩陣斬偽軍門鄭
思愛等俘獲甚衆下所司知之

癸酉

封鄂尔多斯部落單達為貝勒沙克查為貝子以
其舉國投誠也 更定滿州王貝勒以下官員支
給俸米數目和碩親王六千石親王四千石郡王
二千石貝勒一千四百石貝子八百石宗室公六
百石一等公三百石二等公二百九十石三等公

二百八十石二等伯二百六十五石三等伯二百
六十石一等精奇尼哈番二百五十石二等精奇
尼哈番二百三十石三等精奇尼哈番二百十石
一等阿思哈：番兼一拖沙喇哈番一百九十石
一等阿思哈：番一百七十石二等阿思哈：番
一百五十石三等阿思哈：番一百三十石一等
阿達哈：番兼一拖沙喇哈番一百二十石一等
阿達哈：番一百十石二等阿達哈：番一百石
三等阿達哈：番九十石拜他喇布勒哈番兼一
拖沙喇哈番八十石拜他喇布勒哈番七十石空

銜梅勒章京侍郎阿思哈：番寺官六十石拖沙
喇哈番空銜甲喇章京理事官一寺蝦阿達哈：
番寺官五十石空銜牛录章京付理事官額者庫
二寺蝦拜他喇布勒哈番寺官四十石空銜拖沙
喇哈番寺官三寺蝦三十五石分得撥什庫壯大
他赤哈：番寺官三十石

甲戌

浙閩總督陳錦疏報偽德化王朱慈葉偽石城王
朱議澂糾逆作亂攻陷大田官兵進剿慈葉議澂
就擒命斬之

丙子

禁王貝勒貝子公等喀爾喀部落入貢使臣允盈
甲兵器非奉旨不許擅給

丁丑

郊刺霧色青白 定遠大將軍和碩鄭親王濟爾
哈郎班師還京

己卯

扈政王召議政王貝勒固山額真內大臣議政大
臣會議是日納和碩肅親王豪格福金博爾洛錦
氏 平南王尚可喜靖南王耿仲明率師征粵時

隱匿旗下逃人千餘名刑部鞠寔議削可喜仲明
爵仍罰銀五千西所屬阿思哈、番阿達哈、番
牛录章京陳効忠刘恭正張起鳳魏國吳等俱革
職贖身以可仲喜明等航海投誠功大免削爵各
罰銀四千西効忠等免革職分別折贖

庚辰

諭戶部年來八旗止墾踏看滂地給來是以不勤
農務嗣後踏看滂地永行停止自王以下官員以
上准給俸米一半仍令勤修農務秋則種麥耕地
春則運糞播穀務俾以時從事 大計天下官員

余事謝永復等八百一十六員各革職降調致仕
有差

壬午

遣大孝士祁克格等齋勅責問朝鮮國王李滉曰
前謚祭尔先王尔不曾專疏謝恩兼乏謝獻之儀
皇父揖政王贈賄亦不曾有謝恩本章雖具有禮
物而單上不書皇父揖政王此皆失礼之處及聞
王奏内有云倭情万分可慮倘遇警急無計奈何
欲修築訓練又議政府批報云如有漂到倭國沿
海漢人船隻不送于咫尺倭報直為解送上國其

蓄憾于我比前必甚苛語其具報官員將欲以漢人作倭人而与倭國邪抑以為明朝猶在邪抑強欲以朕之漢人而捕送倭國邪似此官員顯是啟亂坏國之人王不將此官拏問重罪而徑云奏是尔之失也即宜拏問加以重罪又遣來陪臣李時昉向部臣云今岁不收棉花請緩一年貢布部臣為之轉奏朕節次憫念朝鮮苦累軫恤尔民曾于岁貢之物及餽遺使臣之礼大為裁減此豈為尔有求而然邪察覲情詞具奏雖係王本而本内語意實非出于王心必由奸臣造意也若倭果恃強

侵犯尔國大兵拯援斷無遲悞之理尔國奸臣料天下未定平定盜賊未盡滅息恐調尔國兵馬以故預設虛揣詐諉倭情耳今天下業已混一億兆尽歸版圖矣向曾有漂到倭船朕心惻然不忍拘由尚且付尔國送还尔本款以所獲朕之漢人船隻不送於此而送倭銀又款修築訓練此皆乱臣所出之言也思昔尔先王不忘我朝恩德竭尽忠誠之理不特此一時即尔朝鮮嗣王子、孫、無間世代永如山河之不改易豈應有渝忘之時乎此皆是在下奸臣朋比結党開無窮之乱源也凡

有語言悉在遣去大臣面言之 輯政王遣官選
女子于朝鮮國 領滿文三國演義

癸未

萬壽節祭

太廟遣固山貝子吳達海行禮

二月甲申朔

乙酉

諭戶兵二部曰自今以後喀爾喀厄魯得從邊外
來賣馬凡章京以下披甲兵以上若無駱駝馬匹
有應買的每一次止准買一匹有多買的所買之

馬入官問以應得之罪若有自己承買以別人頂
己名買的二人俱尚應得之罪所買之馬入官每
固山選章京二員監視賣買即令此二章京於各
固山牛录及撥什庫將買馬人姓名類造一清冊
一本送戶部照驗一本自收備察賣馬處所執冊
呼名放入不許強占預記違者章京照職罰銀兵
丁照例鞭責一應販子買賣人及不係披甲的都
不許買喀爾喀厄魯得駝馬如犯此禁鞭一百駝
馬入官居庸關以內一應官吏軍民人等俱不許
沿途迎買着差官役搜察如有被獲的即卸掣來

京以賊津問罪所差官役如有私買的及通同縱
買的亦按賊津問罪着嚴行曉諭以劄委付將
張學周為江南袁州府付將

丙戌以上

大行中宮太后尊謚及奉安
梓宮於

昭陵日期遣固山貝子罕阿岱祭告

太廟

丁亥上

大行中宮太后尊謚曰孝端正敬仁懿莊敏輔

天協聖文皇后冊文曰孝子嗣皇帝福臨稽首頓首

上言壺闈著

聖善之儀凝禧未艾典禮重嚴懿之報備物宜隆聿
示來茲用光前美恭惟

皇妣大行皇后安貞應地教順承天佐

先皇致治之功啟冲子續承之業方竭誠于奉養忽
抱痛於升遐爰考旧章博咨公議用申哀慕式表
尊崇謹奉冊宝上尊謚曰

孝端正敬仁懿莊敏輔天協聖文皇后尊號踴於几
筵垂休有永昭鴻名于簡冊錫祐無疆謹言宝曰

孝端正教仁懿莊敏輔天協聖文皇后寶是日以
大行皇太后梓宮將祭引和碩親王以下梅勒章京
侍郎以上和碩福金以下一品命婦以上齊集
几筵前致祭

戊子

孝端文皇后梓宮祭引送靈各官詣

几筵殿致祭畢奉

梓宮安靈車內祭引大孝士榜式剛林詣

神位前行一跪三叩首祀畢捧

神主安黃亭內同一等暇哈什屯及禮部各官奉

神主還宮

己丑

多羅貝勒吞齊望擊敵時蒙古固山失利不發兵
救援及誣在陣楚庫巴圖魯戰罷方止罰銀二千
兩多羅貝勒尚善坐本旗失利時不遣暇救援罰
銀一千西刑部以聞命各罰兩個土黑勒威勒
固山貝子薩弼坐失朝罰一土黑勒威勒

庚寅

諭兵部曰凡總督巡撫總兵付將文武官員及鄉
宦廢紳富家有蓄養蒙古人或有推居編氓蒙古

人尽行察送尔部准与滿洲人一体卷籍各該地方總督撫按總兵等官詳細確察若所屬地方果無蒙古該管官申送甘結到部如有引匿尔部謀罪具奏

辛卯

梅勒章京黑成功坐擅殺家人革職不准世襲
陞保鎮右營孫枝芳為寧武副將

甲午

以原任安徽巡撫劉弘遇仍為都察院右副都御史提督駕門等關巡撫山西原任鳳陽巡撫王一

品仍為兵部右侍郎兼都察院右付都御史巡撫廣西提督軍務 陞正白旗滿洲固山甲喇章京車克為本固山梅勒章京張察為甲喇章京正紅旗滿洲固山覺羅外庫為擺牙喇甲喇章京蒙古固山鐘托賚為甲喇章京鑲藍旗滿洲固山屠賴為甲喇章京 以俄赫為戶部理事官諾雷為禮部理事官胡西納阿爾珠為兵部理事官碩理喀額圖席海朱成格巴圖魯覺羅巴圖布為刑部理事官額赫理為中城理事官 內大臣一等阿思哈：番鄂齊爾坐通其妻父之婢削內大臣降為

三寺阿思哈：番 贈故戶部右侍郎梁雲搏左
副都御史孫昌齡俱為都察院右都御史各廕一
子入監讀書 卒浙江巡按趙端戢以違例題由
巡撫蕭起元又濫奉屬官故也 征西大將軍多
羅郡王瓦克達疏報大兵平定潞安平陽澤州偽
總兵申亥郭中傑魏閩各率餘黨歸順廢官李達
泰據大平我兵圍之二十餘日勢迫出降命誅建
泰并其兄弟子侄黨羽俘其妻室籍其家產入官
命官兵駐防順義昌平三河滹果良鄉周安采
育東安等處每城滿洲章京二員蒙古章京一員

每牛录兵四名

乙未

以軍功加南贛左協付將高進庫都督俞事鎮標
中軍叅將楊遇明都督同知 改江寧國子監為
江寧府學

丙子

宣大總督佟養量疏報姜逆倡亂雲鎮時章京鍾
固佟養昇遊擊劉懋德千總劉懋謙時所用江山
定等巷戰死莫北兵備道宋子玉通判楊遠自尽
兵備道徐一范漳源州知州榮爾奇朔州知州王

家珍罵賊死以不屈遇害者遊擊魯季札兵部付
理事官能格原任冀地道童可選參將佟國士
官一峯李向光都司謝應舉同知張肇斌通判李
三元旗鼓董廷儒守備位進李徐進第耿煥李良
臣趙坤李長盛楊弘祖等以不受偽賊死獄者大
同府經歷陳瑞麟衛經歷屠大棟陳光世請加恤
典以慰忠魂事下所司

丁酉

遣大學士剛林祭

先師孔子

以軍功加浙江提督總兵田雄為左

都督是日大風霾

戊戌祭

大社

大稷遣固山額真查羅部立行礼

己亥

陞總河中軍參將梁武為都督餘事充鎮守天津
總兵官補原任江西都司柳同春為浙江掌印都
司命續順公沈永忠移駐寶慶

乙巳

喀爾喀部落綽克圖衛徵諾顏等表貢馬匹宴賚

如例

丁未祭

歷代帝王遣固山額真明安達禮 遣雲南道監察御史王國楠巡按淮揚河南道監察御史盛復 選巡按江寧 趙萃戡固原提兵減延齡為平陽 付將 山西巡按蔡應桂跡牽節婦安邑縣吏員 馬國良妻呂氏年十九夫亡矢志守節父母欲奪 其志氏嚙指自矢孝恭公姑撫育幼女苦節四十 七年請照例旌表章下所司 已酉

孝端文皇后梓宮至盛京各官出郊跪迎捧 梓宮安置

昭陵殿內之右內大臣冷僧机同各官祭告 昭陵 酉刻風霾

辛卯

攝政王諭各部事務有不須入奏者付和碩貝親 王端重親王敬謹親王料理

大清世祖體天隆運英睿欽文大德弘功至仁純孝
章皇帝寔錄卷之四十八

順治七年三月甲寅朔

遣江南道監察御史王士驥巡按山東廣西道監
察御史裴希度巡視西浙鹽課

乙卯

陞刑部侍郎阿喇善為本部尚書以平徇賊功
加總督陝西三邊兵部左侍郎孟喬芳為兵部尚
書陞湖廣按察使馬之先為本省布政使司左
布政使禮部郎中于明實為陝西按察司僉事臨

鞏兵備道牛應激為陝西按察司僉事河東兵備
道張汧為江西按察司僉事管督糧道事兵部郎
中鄭万象為湖廣按察司僉事分巡下湖南道張
吉士為浙江按察司僉事屯田水利道刑部郎中
趙暎乘為福建按察司僉事分巡建南道王依書
為福建按察司僉事管分守福寧道叅議事補原
任陝西驛傳道陳洪謨為山西布政使司叅議順
廣道江西巡撫朱延慶言廬陵縣知縣常康當
金黃二逆叛亂時抗節不沒罵賊而死乞賜卹典
章下所司

丙辰

以甲喇章京劉仲金為都督同知充鎮守山東臨
清等處總兵官

丁巳

清明節 祭

太廟遣固山貝子吳達海行禮 遣官祭

福陵

昭陵

戊午

喀爾喀部落代青諾顏等貢馬賚如例

己未

卯刻日色赤如血

以劄委總兵劉世昌為都督

僉事庐州副將

壬戌以造

太祖配

天神主及追尊

四祖為皇帝入

廟神主並繕寫詔書賜內院礼工二部各官銀帶有

差喀尔喀部薩克苗汗等貢馬宴賚如例

予殉難河南分巡湖北道塗廟江南海州知州

張懋勳祭英如例海州：同李士麟祭一壇 二

等阿達哈：番諾穆齊坐違王令分兵降為三等

阿達哈：番罰銀一百兩章京巴賽坐狗庇阿喇

善隱其輕邈令之言王革一世賤罰銀一百兩

甲子

以阿思哈：番許天寵為都督同知克續順公下

中路總兵官 諭札薩克圖汗土謝圖汗伊思丹

津喇嘛俄木布額爾德尼大小貝子曰爾等申使

謂与訥門汗講和而末究竟未有定議朕統一天

下用張捷伐原非好兵樂戰以罰無辜倘有侵犯

斷不輕貸前此察哈爾無端執我使臣且不欲朕
加兵于明如我兵師彼必助明來難以故斬其來
使康喀爾貝戶兵師致討破其家園擒其妻孥蘓
尼忒騰机思原係察哈屬部先乘亂叛入碩雷後
向化來歸碩來素与本朝無隙雖煽惑久附之蘓
尼忒叛去朕仍行戒諭勿遽加兵于喀爾喀止遣
師追剿蘇尼忒与喀爾喀豪無干涉不意喀爾喀
土謝晉汗碩雷汗率衆迎犯抗我王師以致上天
譴責土謝碩雷敗衄使果欲致討喀爾喀波方敗
衄死者死竄者竄師已壓境豈不可長驅直取乎

爾等怙惡不悛土謝圖碩雷則逆抗我師二楚虎
兒則侵我巴林俄木布額爾德尼巴爾布秉圖則
率衆來犯聞我發兵始遁巴爾布秉圖則馳入土
默特殺人掠馬諸如此事以前我与爾等曾有搆
兵之事否乎然茲如此爾等若復申盟好可具書
來當報以救諭其二楚兒虎所掠巴林牲畜可即
賠償以贖俄木布額爾德尼巴爾布東晉兵之
罪及巴爾布秉圖馳入土默特殺人之罪併賠補
掠去人畜自今以後如罷兵修好彼處為首汗貝
勒貝子誓諸天地款通好則与之通好否則遣使

無益也

己巳

命立輔政德豫親王多鐸碑文曰爾輔政於德豫親王多鐸乃

太祖武皇帝少子天聰二年戊辰

太宗文皇帝征蒙古多羅時國各有其地賜爾額爾克楚虎爾號天聰五年辛未

太宗皇帝攻取明大凌河城爾擊敗錦州敵兵為

太宗皇帝前驅破敵天聰八年甲戌證明大同府爾攻克保安州投生于明錦州時爾擊敗錦州松山

二城敵兵崇德元年丙子進封和碩豫親王順治

元年甲申四月爾同皇父攝政王於山海關破流

賊李自成兵二十萬取明中原十月命爾為定國

大將軍統領大兵擊敗流賊李自成馬步兵進克

潼關及陝西安府又平河南擊敗各處兵攻克

揚州遂平江寧生擒明福王朱由松以平江浙屢

建大功進封和碩德豫親王順治三年丙戌蘓尼

忒騰机思反命爾為揚威大將軍統率大兵追及

騰机思於衮噶樓台地方擊敗其兵獲其妻子生

畜喀尔喀土謝圖汗碩雷汗率中迎戰於札耶部

喇地方擊敗之多所斬殺自平定中原以來厥功甚茂順治四年丁亥封為輔政牒豫親王恭贊机務順治六年己丑三月十八日不幸薨逝命誅部勒石墓前用輦追卹至意削梅勒章京衛徵一拖沙喇哈番以圖大同時土默特部落失利不注救援故也陞潼關叅將馬襄為慶陽付將羅循為浦口營付將

庚午

加永寧總兵右都督柏永馥為左都督贈故左路總兵署都僉事左襄為都督同知以破姚黃賊功

也

辛未

贈甘肅陣歿叅將翟大有為都督僉事

癸酉

調禮部尚書卓羅為都察院承政兵部尚書阿哈尼堪為礼部尚書陞兵部侍郎明安達礼為本部尚書兵部理事官特晉為本部侍郎都察院理事官已郎為本院叅政以鑲黃旗滿洲固山梅勒章京阿喇善為蒙古固山梅勒章京鑲紅旗滿洲固山甲喇章京特晉為蒙古固山梅勒章京鑲藍

旗滿洲固山擺牙喇甲喇章京杜爾德為叢章京
甲喇章京屠賴為蒙古固山梅勒章京調叢章京
沙爾虎達為滿洲固山梅勒章京鑲黃旗滿洲固
山敦米克正黃旗滿洲固山蝦黏漢費揚古止白
旗滿洲固山一等蝦戴齊鑲白旗滿洲固山法喀
曹達資愷察鑲紅旗滿洲固山殷達洪正藍旗滿
洲固山伊巴克圖鑲藍旗滿洲固山覓羅何特為
擺牙喇甲喇章京正紅旗滿洲固山科魁鑲白旗
滿洲固山商監正藍旗滿洲固山科岳爾圖鑲藍
旗滿洲固山法克達爾柱末三泰為甲喇章京正

紅旗滿洲固山濟拉札鑲白旗滿洲固山噶布什
吳納哈布為噶布什吳甲喇章京以孫愛為吏
部理事官孫達札巴魯魯為兵部理事官莫洛為
刑部理事官覓羅穆成格為工部理事官覓羅鍾
特為都察院理事官賜卓異官員按察司馬光
先等三十六員朝衣各一襲以吳汝珍為梅勒
章京駐防杭州

一 亥

以故三等公蘊布姪谷穆布襲爵故一等阿思哈
哈番目格圖石克石圖二等阿思哈二番譚拜子

馬爾賽一等阿達哈、番兼一拖沙喇哈番傳克
子吳達子何托子科布梭一等阿達哈、番塞布
德伯父丹達枯尔禪子舒黑厄圖第艾圖班丹弟
查木蘊二等阿達哈、番車尔貝伯父勞漢時克
忒奇子額忒奇班齊哈兄希孚董世祿孫海蘭托
敏侄孫吳尔德長舒林祖忒什倫巴圖弟拜音達
札豪善弟禪察布三等阿達哈、番查羅阿尔柱
子艾三噶都洪侄黑圖法古達弟喇哈達僧珠子
塞克布枯子察哈達喀喇尔代子恩克達尔都弟
阿尔都席蘭子阿蘭拜他喇布勒哈番兼一拖沙

喇哈番衣密孫子薩必罕查羅阿濟賴姪孫舒書
查羅胡通額弟葉青格查羅查範弟阿範拜他喇
布勒哈番覺羅克春子撒穆哈查羅馬納海子海
蘭各襲職以拜他喇布勒哈番覺羅吳什維襲
其已故子阿哈尼堪拜他喇布勒哈番職為三等
阿達哈、番授和碩額駙豪善為一等阿思哈
哈番多羅額駙那宜多為一等阿達哈、番授
平西王下忒將夏思新一等阿達哈、番以投誠
功也鄂齊尔圖台吉遣使表貢馬匹等物宴賚
如例

丙子

以原任遵化團練使付將劉永興為遵化付將
丁丑

浙江福建總督陳錦疏報官兵生擒偽新建王朱由模及党朱由杖黃繼盛命斬之 諭戶部曰向來每月給寡婦銀一兩今後察其家如無兵丁匠役止許支給一年至于披甲兵丁或出兵或奉公遣每月支給銀糧一半以贍其家彙冊報部必詳書牛錄章京及分得撥什庫名如無牛錄章京分得撥什庫書小撥什庫名如有冒領者即治牛錄

章京撥什庫罪至民人田不許滿洲及投充人置買違者並治罪

戊寅

諭礼部曰我朝原以武功開國歷年征討不日所至克捷皆資騎射今幸荷

天休得成大業茲天下一統勿以太平而忘武備尚其益習弓馬務造精良嗣後滿洲官民不沉酒嬉戲耽悞絲竹違者即拿送法司治罪 江南廬州道趙振業坐恭款釀害縱奸殃民革職提問 江寧巡按陳顯忠疏奉孝子上元縣民劉玉佩父廢

漢有痼疾方藥不效王佩割股以進父病得痊其妻陳氏亦割股愈父陳應龍病時謂双孝漂陽縣民王瑞昌幼時父病不起瑞昌割股以進父隨愈人罕知者後宗族見瑞昌形容枯槁暑不離衣始竟而稱之節婦太平果民孫元容妻汪氏年二十六夫故誓同死眾勸不從自縊死漂陽縣民侯璋妻周氏夫故年二十二撫一子復天氏貧無所依日以紡織為業苦節六十餘年例應旌表章下所

司

己卯

加衍全公孔兵燹總督河道兵部尚書楊芳兵總督江南江南兵部尚書馬國柱俱為太子太保巡撫河南兵部右侍郎吳景道為兵部尚書總督川湖兵部右侍郎兼都察院右付都御史羅靖錦巡撫廣西兵部右侍郎兼都察院右付都御史王一呂為都察院右都御史兼兵部右侍郎總督漕運戶部右侍郎兼都察院右付都御史吳惟華為都察院右都御史兼戶部右侍郎登萊巡撫朱國柱順天巡撫楊興國四川巡撫李國英湖廣巡撫遲日益江寧巡撫王國寶甘肅巡撫周文葉山西

巡撫劉弘遇提督操江李日茂俱仍以都察院右副都御史加兵部右侍郎宣府巡撫馮奎北浙江巡撫蕭起元陝西巡撫王爾性鄖陽撫治趙兆麟寧夏巡撫李鑑江西巡撫朱延慶福建巡撫張季聖俱由都察院僉都御史加為右副都御史以六年八月覃恩也 補原任河南道監察御史王顥為貴州道監察御史四川道試監察御史秦世禎原官改庶吉士張嘉為江南道監察御史 証西大將軍多羅謙郡王瓦克達疏報官兵平定平陽府屬三十六州縣報聞

庚辰

刑部侍郎俄羅塞臣坐讞獄狗情草賊 遣山西道試監察御史佟鳳彩巡按河南

壬午

山東巡按王應元疏奉烈女掖縣原二姐賊執其母將殺之二姐以身蔽櫻賊怒被殺節婦昌樂縣張大美妻劉氏大美為賊所殺氏悲號數日死而復甦投縊死掖傍淄川縣韓茂椿妻賈氏城破日賊掠其家氏掖姑伏蒿中賊獲之獻朴其楚氏曰吾翁雖官清白吏也酷求何為寧殺我勿傷我姑

賊款西及之氏以身蔽竟觸刃而死其子婦孫氏
時歸寧母家尔為賊所執不受辱躍井而死膠州
張續清妻匡氏年十六夫故堅志殉夫家人勸諭
者其中氏眾間投繯文登縣劉崇胤妻李氏歸胤
三年胤故氏縊死柩前孝子郎黑母宋德悻父故
悲痛嘔血數升而死其妻黃氏絕粒五日亦自縊
以徇請照例旌表章下所司

癸未

喀尔喀部落那穆齊噶微諾顏等貢馬宴賚如例
解刑部尚書阿喇善任罰銀一百兩以攻山西

左衛時不將登城人名啟王反行巧飾故也
夏四月甲申朔享

太廟遣固山額真覺羅郎丘行礼

乙酉

以拜他喇布勒哈番覺羅蚌愛襲其故弟叟塞拜
他喇布勒哈番職為三等阿達哈：番以故一
等阿思哈：番兼一拖沙喇哈番綽尔門子龍武
二等阿思哈：番甘篤志吳散布一等阿達哈：
番鄂尔子思格二等阿達哈：番碩穆子托克托
和三等阿達哈：番鄂鋒洛伯子胡錫圖石希爾

伯子碩穆世禧拜他喇布勒哈番兼一拖沙喇哈
番耿格子葛塞理札尔坎弟阿篤堪圖薩子喇瑪
巴尔泰子吳彥柱托布齊兄多果何翔推姪永貴
賚羅雅圖伯子察哈喇兵洛井子海塞多拜弟鄂
拜哈尔薩弟賴堵賚羅額布痕侄塞爾畢班齊泰
弟阿濟代丹達哈叔子達彌善得祿巴圖魯子德
儲哈山弟哈舒庫武柱昂那子武沙喇拜他勒布
勒哈番陈万廉子遇洪高中峯子寿福各襲職
以故二等阿達哈：番賚羅馬格圖伯子拜他喇
布勒哈番兼一拖沙喇哈番瓦爾麻囊為三等阿

思哈：番 以軍功加鎮守吳安總兵官左都督
任珍為太子太保

丁亥

陞戶部理事官綽貝為總理漕儲戶部石侍郎

己丑

陞薊州道付使李中格為湖廣按察司按察使西
浙鹽使畢元彩為山東布政使司叅政兼按察司
余事河間兵備道長芦運使袁仲魁為江南布政
使司叅政兼按察司余事庐州兵備道山東運使
夏日嚴為陝西布政使司叅政分守閩南道河南

汝南道付使刘三元為陝西布政使司叅政兼按察司僉事分巡河西道江南滁和道付使謝道為山東布政使司叅政分守東兗道江南夙泗道付使刘竒遇為湖廣布政使司叅政分守荆西道吏部郎中步文政為江南按察司付使兼布政使司叅議分守温處叅議蘓松常鎮皆糧道河南衛輝府知府傅夢顛為浙江按察司付使兼布政使司叅議分守温處道江南池太道余事袁廊宇為本省布政使司叅議管理淮安漕務河南提學道余事李震成為陝西布政使司叅議分守關西道井陘道余事原毓

宗為江南布政使司叅議兼按察司余事常鎮兵備道定州道余事刘興漢為江南布政使司叅議按察司余事揚州兵備道永平道余事陳弘業為山西布政使司叅議兼按察司叅事陽和兵備道戶部郎中孫建中為河南按察司余事睢陳兵備道刑部郎中郝惟訥為福建按察司余事管督糧道叅議事官靖共為浙江按察司余事管分守杭嘉湖道叅議事陝西關西道付使汪光署為本省院馬寺鄉兼按察司余事專理馬政補原任山西冀北道叅議楊璫為湖廣布政使司叅議分守下

河南道江南馬政道余事范承祖為河南按察司
余事分巡河南道江南督糧道付使高射斗為山
東按察司付使分巡東昌道

壬辰

禮部題請照例遣官祭故靖南王耿仲明若陣亡
或病故理宜注祭今係自尽得旨靖南王耿仲明
這遣祭不必行

甲午

定南王孔有德疏報大兵抵澗擒偽軍門鄭思爰
于燕子窩敗偽吳寧侯胡一青於永州撲巨寇馬

進忠于武岡滅偽永國公曹志健於興寧併招降
偽軍門向文明等龍席崗擒偽軍門王順祖偽總
兵林國瑞於吳寧官兵五萬斬獲無算疏入褒獎
之有功人員令所司察叙工部左侍郎仍管通
政使司通政使事張紹先以老病乞休許之

乙未

厄魯得部落鄂齊爾噶台吉喀爾喀部落素那穆
等貢馬匹等物宴賚如例遣蝦舒爾虎納格等
注諭厄魯得部落台吉鄂齊爾噶曰覽奏雖僻處
荒遐力則能相機相助不能則遣使通好如此甚

善朕自统一天下凡有征討從無窮兵黷武濫及
無辜之辜若無故犯順亦不姑貸曩與察哈爾原
無罅隙乃擅執吾使且欲沮我伐明否則助明為
難朕所以斬其來使與師致討破其家國俘其妻
孥蓋朕此故至于察哈爾所屬之蕪尼忒騰机思
前乘兵亂遁附喀爾喀碩雷後爾慕義來歸我與
碩雷并無夙釁何乃隱教久附之蕪尼忒叛而遁
走朕仍不欲加兵于喀爾喀止遣師追剿蕪尼忒
喀爾喀土謝圖汗碩雷汗反率眾拒戰致干
上天譴怒使彼敗衄如朕果欲征討喀爾喀乘兵敗

北之際死者死竄者竄師已歷境何長驅而直取
乎止曰喀爾喀不時蠢動土謝圖碩雷抗師迎敵
二楚虎兇擾我巴林俄木布額爾德尼巴爾布秉
圖率眾犯順聞我發師始行遁去巴爾布秉圖又
馳入土默特殺之掠畜故與喀爾喀禁絕往來後
以諾門汗言喀爾喀扎薩克圖汗土謝圖汗俄木
布額爾德尼等會同遣使輸誠朕遂遣使同往諭
之飭彼還二虎楚兇所掠巴林牲畜贖俄木布額
爾德尼巴爾秉圖侵 罪及巴爾布秉圖擅入
土默特殺掠之罪并還所掠人畜令其部落之長

及貝勒貝子誓告

天地今後罷兵息戰永通和好違則必行征討爾等
既已效順倘朕再征喀爾喀爾不得与之通好爾
其思之

丙申

晉封貝勒張繼倫為郡王以其祖有大功故也

陞大理寺少卿張昂延為大理寺卿通政使司右
通政段國璋為太常寺卿吏部文選司郎中孫廷
銓為太常寺少卿提督四譯銀吏科都給事中韓
源為太僕寺少卿吏科左給事中高桂為礼科都

給事中刑科右給事中杭齊蘓為戶科左給事中
工科右給事中魏象樞為刑科左給事中礼科右
給事中姚文然為工科左給事中吏科給事中陳
辰名戶科給事中杜駕祐俱為本科右給事中
改山海總兵通州總兵俱為付將員缺

己亥

調吏部尚書賚羅郎丘為刑部尚書工部侍郎李
世哈為刑部侍郎陞工部理事官星魯為兵部侍
郎以米誠格巴圖魯覺羅伊爾門為兵部理事
官胡奎納為都察院理事官調兵部理事官屠

賴擺牙喇甲喇章京噶爾哈圖阿爾山格爾忒東
城理事官卜爾孫為刑部理事官覺羅巴爾布為
東城理事官陞兵部付理事官洪尼札刑部付理
官郭科各為本部理事官 以鑲黃旗滿洲固山
多字羅為甲喇章京正黃旗滿洲固山噶布什賢
墩覺羅巴格善正白旗滿洲固山席北辰鑲藍旗
滿洲固山訥爾忒為擺牙喇甲喇章京 月食
解吏部理事官褚庫巴圖魯任以其直宿失印鑰
也

庚子

孝端文皇后忌辰遣官祭
昭陵

辛丑

以翻譯三國演義告成賞大李士范文程剛林祁
克格寧完我洪承疇馮銓宋欽學士察不害蘊納
海王文奎伊圖胡理劉清泰袁爾瑪蔣赫德
寺鞍馬銀兩有差 陝西總督孟喬芳疏言甘州
徇賊乘調兵下川之際遂行作亂收殺撫鎮道將
臣督兵馳剿米喇印授首於水泉丁國棟城破就
擒正法傳示諸臣城次第俱復報聞

癸卯

賞凱旋和碩鄭親王濟爾哈郎金二百兩銀二萬
兩多羅承順郡王勒克德渾金五十兩銀五千兩
公杜爾祐碩爾瑪洪蕪布圖富喇塔銀各六百兩
固山額真阿濟格尼堪銀五百兩尚書管梅勒章
京事阿哈尼堪署梅勒章京事賚羅郎丘固山額
真伊拜梅勒章京碩詹噶布什賢噶喇昂那石特
庫噶布什賢章京鄂碩銀各三百兩餘各賞賚有
差予天津陣歿遊擊趙成功卹典如牛采章京
例

甲辰

征西大將軍多羅謙郡王瓦克達班師還京

丙午

以原任將付毛貴為河南總督標下中軍付將劉
委副將劉有源為署都督僉事管涼州付將事卜
愛為叅將管西寧副將事淡中叅將齊陞為肅州
付將

己酉立

福陵

昭陵石像主

福陵卧駱駝立馬坐獅子坐虎各一对擎天柱四石望柱二

昭陵立象卧駱駝立馬坐獅子坐獸坐麒麟各一对擎天柱四石望柱二

庚戌

免福建四五兩年東路逋欠鹽課以賊掘其地故也

辛亥

予徇難浙江署上虞縣事紹興府推官刘方至祭墓如例

壬子

陞太僕寺卿孟明補為通政使司通政使太常寺少卿王邦柱為通政使司右通政順天府丞張若麟為大理寺少卿湖廣道御史高去奢為大理寺丞補原任吏科左給事中孫襄原官陞

福建汀州府知府李友蘭為山東都轉鹽運使司運使福建延平府知府趙秉樞長為芦都轉運鹽使司運使福建邵武府知府陳喆為河東都轉運鹽使司運使戶部等衙門會議兵餉缺額事宜奏入得旨巡按御史已到地方的奉行事件無論

已完未完悉將文卷冊籍移送該巡撫料理即便
出境已差未行已行未到保不必前去以後巡
行察拿不拘年分候旨特遣引部裁撤作運回京
裁併監司等官歸并江南學差酌退無用兵丁皆
依議行內庫錢糧工部織造各處抽分江南芦課
及各衙門錢糧額數不多的并已裁衙門錢糧俱
歸併戶部管理禮部兵部工部太常寺光祿寺太
僕寺國子監等衙門原管錢糧俱着照旧管理自
順治五年十二月以前仍着戶部察核完欠明白
奏繳六年止月起一年之內着該管衙內照依原

冊會同戶部將直隸各省府州縣衙所等衙門完
欠數目詳細對察已經完解取有戶部批迴實收
者仍聽戶部奏銷未經完解者着各衙門行催速
解奏請支用七年正月以後戶部各衙門各照職
掌管理一應催解歲叅或成奏銷事宜悉依舊例
舉行從前錢糧款項如有遺漏未經報明者姑免
追究自今以後必須徹底清察各歸款項倘或隱
匿欺朦被人告發審究得實必殺不赦仍行籍沒
人口入官家產充告發之賞各處關稅以前缺額
的目地方多事曾經奏明俱免追賠各官俱免補

考以浚不必定額恐有餘者自潤不足者橫徵俟
回部之日酌量商賈通塞徵解多寡有無擾害地
方爰加考覈監課內水鄉寺項應解的着戶部作
速催解

